



UNIVERSITÄTS-
BIBLIOTHEK
PADERBORN

**Roberti Tvrneri Viri Doctissimi Professoris In Academia
Ingolstadiensi Orationvm. Volvmen ...**

Turner, Robert

Coloniae Agrippinae, 1625

16. Ante disp. Iuridicam Duaci.

[urn:nbn:de:hbz:466:1-69519](https://nbn-resolving.org/urn:nbn:de:hbz:466:1-69519)

scopuli? trium sum vnus, ac singulorum totus: vni si me tradam totum tanquam suum ius, duos me toto priuo tanquam suo iure, at si nulli traditum, ipse me mihi seruo totum, eo sane erit luculentior iniuria, quo est grauius tribus, quam duobus irrogasse iniuriam. Deus bone, charybdis hinc, scylla inde; media fluctuat navis: sed inueni exitum. Cum illud, quicquid aut Gregorius Pontifex Maximus conculerit in me sustentando beneficentiæ, aut Patres religiosissimi in me excolendo posuerint operæ, referatur ad Dei in Ecclesia propagandam gloriam, & ille, & ij pro sua charitate cumulate sibi putabunt satisfactum, si Dei per me gloria in Ecclesiæ reficiendis ruinis quoquo modo enitescat, vt quibus sum totus singulis, illi me totum ære liberatum Deo largiantur soli. Nihil profecto videor posse referre, cum tribus vnum tanta me videatis deuinctum religione, vt quarto quod dem, nihil sit omnino reliqui: at cum nullum possit ex hac mea tenuitate ad vos manare officium, Collegium Germanicum meo nomine agit, agetq; quamdiu stat, pro hac vestra tanta patientia gratias maximas & immortales.

ROBERTI TURNERI
ORATIO XVI. SIVE PRÆLVDIVM,
quod ante disputationes Iuris ineundas Duaci
a respondente, vt solet, habebatur; scripsi,
rogatus ab amico.

OMnibus (clarissimi Doctores, ornatissimi iuuenes) anticipatum, informatumq; est, famæ estimationisq; inprimis habendam esse rationem, quam cogitationem dum quidam acrius persequuntur, fit vt in rumorum & concionum ventis colligendis acerrimam corporis contentionem, mentisq; commen-

*Famæ in-
primis ra-
tio habenda est.*

tationem vehementissimam figant; alij dum remissio
 coërcent, fit, vt omni ingenij fama abiecta, sibi soli
 velint esse noti, ne dum ingenij famam, & existima-
 tionis gloriam consectentur, ingenij & existima-
 tionis naufragium simul faciant: ex vno natura fontem
 duo (vt videtis) luculentissimi errores profluxerunt
 illi dum ingenij famam aucupantur, in puluerem &
 solem descendunt, & ingenij sui foetus aliquando
 monstrosos, vt vrsus; sæpe deformes, vt simia; raro po-
 litos, vt doctus; nunquam maturos, vt prudens edes-
 solent: hi ingenij sui alioqui acutissimi luce; & oratio-
 nis suæ alioqui tersissimæ dulcedine; & doctrinæ suæ
 alioqui intimæ fructu semper & vbique priuare non
 volunt: mediam ergo viam terendam statuit Anaxi-
 menes, vt dicamus, sed pauca, sed opportuna, sed re-
 tro, ne si semper & vbique silendo famæ nostræ con-
 lere velimus, animi minuti & angusti nimis si omnia
 coram omnibus effutiendo famam venari velimus, &
 nimis importuni & stulti nimis esse videamur: ad quam
 Anaximenis sententiam si omnes omnia sua studia, tan-
 quam ad normam reuocare vellent, neque tot in solem
 descenderent futiles oratores; nec tot in tenebris late-
 rent inutiles oratores; vt nec illi arroganter tumidi
 possint appellari, quod tanquam optima pessima nobis
 bis sufficiunt, nec isti stulte timidi, quod tanquam pes-
 sima optima nobis supprimunt: quæ omnia non ita pri-
 dem dum serio animo & cogitatione retractaui, non
 (quod semper antea cogitaueram) omnem mihi ingenij
 famam abiiciendam esse sum arbitratus, sed potius ad
 Anaximenis præscriptum omnes meorum studiorum
 rationes esse instituendas, vt qui optima non possim
 pauca possim dicere, raro id faciam ad fugiendam ar-
 rogantiæ labem, ne si priuatis inclusus parietibus domi-
 semper desideam, ignaui, humilis, & illiberalis ingenij
 notam contrahere videar: quare erit humanitatis ve-
 stræ, quod facio non aucupanda, sed conseruanda exi-
 stima-

*Plura di-
 cenda sunt
 sed accom-
 modate.*

*Oratores
 futiles re-
 prehendi.*

*Modus re-
 concilian-
 di beneuo-
 lentiam.*

estimationis meæ causa, id eo animo accipere, quo de-
 betis; & eo animo interpretari, quo soletis, id est, non
 ægro, ut morum barbarie turpissimè iustificati; sed æ-
 quo, ut morum elegantia bellissimè exculsi: quod si
 quis orationem paulò exquisitioribus pigmentis cul-
 tam hoc in loco desideret, nã ille à recta rationis via
 declinasse videtur, qui me minuta aliqua elegantia
 laude aspersum esse vellet, vos maxima vestra huma-
 nitatis laude vellet esse orbatos: nam si omnia
 mea quasi in quadrum artificiosè essent redacta, vo-
 luptate irretiti, non humanitate vestra impulsu pa-
 tienter me audiretis, ut hoc modo ille, quem vobis na-
 tura impressit & penitus inussit, humanitatis motus,
 hoc tempore, hoc in loco non possit eminere: si quis
 reconditionem iurisprudentiæ cognitionem à me re-
 quirat, nã is à recto sensu rem non iudicasse videbitur:
 cum in hanc palæstram descenderim, non ut ille Boius
 in cursum Olympicū vires ostentandi causa, sed ut ille *Non o-*
 Ladas in Annibalis palæstram vires exercendi causa: *stentand?*
 in quo genere luctæ si vires fortassè meæ langue- *sed exer-*
 bunt: talem me tamen militem præstabo, qualem fuis- *cendi*
 se legimus Sicyonium in castris Annibalis, qui ut *gratia*
 nullas hostium vires, nullos neruos, nullos impetus *aliquid*
 reformidabat, quòd Annibali stipendia fecerat, sic ego *facien-*
 nullos aduersariorum lacertos pertimesco, quòd sub *dum.*
 Putij, quo nullum habet nostra iurisprudentia non di-
 co valentior Annibalem, sed ne sapientior quid-
 dem Vlysses, neque disertior Domesthenem,
 signis iam fœlicissimè mereo. Quare vestra iam bene-
 uolentia solita & huius exquisita doctrina, tanquam
 Vulcanijs armis, tectus & munitus spero, ut qui in
 hunc locum non irruo ad nominis aliquantulam
 gloriam consecrandam, hunc locum me relicturum
 sine vlla aut saltem non magna famæ meæ immuni-
 tione, *Dixi.*